

დღესნუმი

გაზეთი გაზეთის
1988 წლის
10 მაისიდან

საქართველოს კომპარტიის ცენტრის რაიონული კომიტეტისა და
ცენტრის სახალხო დეპუტატთა რაიონული საბჭოს ორგანო
«ЛЕЧУМИ» — Орган Цагерского райкома Компартии Грузии
и Цагерского Районного Совета народных депутатов

№91 (6317) სამშაბათი, 31 ივლისი 1990 წელი ზარი 8 მგ.

პრეზენტირება სილს

ეროვნული

საზოგადოებრივი

ტევის კოლმეურნეობის მშრომლებმა სსრკ-ს საზოგადოებრივი მეურნეობიდან სახელმწიფოს 26 ტონა კურკოვანი და თესლოვანი ხილი უნდა მიჰყილონ. აქედან 10 ტონა კურკოვანი ხილი აქვთ მისაყიდი, კოლმეურნეობას კურკოვანი ხილის გაბნეული ბაღი აქვს და იჭარბოთ გაცემულ ნაკვეთებში არსებული ხილის დაკრეფისას ღირებულების 50 პროცენტი მოიჯარისა.

სამდურავი არ ეთქმით აქაურ მშრომლებს. მიმდინარე წელს ორივე სახის ხილმა კარგად მოიხსა.

სულ რამდენიმე დღეა, რაც მიმდებ პუნქტებს კურკოვანი ხილის პირველი პარტია ჩაბარდა. დანაკარგებთან ბრძოლა, მიმდებ პუნქტებისათვის ხარისხიანი ხილის ჩაბარება და სავეტერინარო და-ვალების შესრულებისათვის ზრუნვა აქაურ მშრომელთა მიზანი.

საქართველოს უზენაესი საბჭოს

პრეზიდიუმის თავმჯდომარის

გივი გეგუაძის მიმართვა

საქართველოს საზოგადოებრივი -
პოლიტიკური ორგანიზაციებისათვის

დღეს, როდესაც საქართველოს სახელმწიფოებრივი სუვერენიტეტის აღდგენა პოლიტიკური და ისტორიული რეალობის სახეს იძენს, როდესაც გამოიკვეთა რესპუბლიკის საზოგადოებრივი ცხოვრების თვისებრივი განახლებისა და სოციალურ-ეკონომიკური საკითხების წარმატებით გადაჭრის კონკრეტული გზები და საშუალებები, სასიცოცხლო მნიშვნელობა ენიჭება საერთო-სახალხო ძალისხმევას საფუძველზე ისეთი ვითარების შექმნას, რომელიც უზრუნველყოფს უმაღლესი ეროვნული ინტერესებიდან გამომდინარე კარდინალური პრობლემების გადაწყვეტას.

სწორედ ამიტომ, შეშფოთებას იწვევს ის გარემოება, რომ ისედაც მძაფრი საზოგადოებრივი-პოლიტიკური ვითარების ფონზე გამოიკვეთა მისი მკვეთრი გართულებისა და სერიოზული დესტაბილიზაციის აშკარა ტენდენცია, უაღრესად საშიშ ზღვარს მიაღწია კონფრონტაციამ, ვერ გამოირიცხა ძალისმიერი დაპირისპირება, რამაც შეიძლება მოგვიტანოს აშკარა და ქაოსი, მძიმე, გაუთვალისწინებელი შედეგები.

დაბეჭდვით მოგიწოდებთ, გამოიჩინოთ მაქსიმალური პოლიტიკური წინდგენილობა და პასუხისმგებლობა, განუხრდალ და დაცვათ მოქმედი კანონები, რათა არავითარ შემთხვევაში არ იქნეს დაშვებული მდგომარეობის შემდგომი გართულება, საფრთხე არ შეექმნას სამოქალაქო მშვიდობას, ყველაფერი ვიღონოთ ჯანსაღი ეროვნული ძალების კონსოლიდაციისათვის, საქართველოს ეროვნულ-სახელმწიფოებრივი განვითარების მიზნების ხორცშესხმისათვის.

გივი გეგუაძე.
1990 წლის 28 ივლისი.

საქართველოს

სსრკ მინისტრთა საბჭოსათვის

საქართველოს მთავრობა მოგმართავთ თქვენ რესპუბლიკაში შექმნილი საგანგებო მდგომარეობის გამო.

თქვენთვის ცნობილია, რომ ჩვენი სოციალურ-ეკონომიკური ცხოვრება უმძიმეს კრიზისს განიცდის.

მთავრობა, ყველა მისი ფორმირება და დანაყოფი ცდილობს მაქსიმალური ძალისხმევით, ყველა შესაძლო ეკონომიკური, ორგანიზაციული, საწარმოო ღონისძიებით გამოიყვანოს რესპუბლიკა კრიზისიდან.

ერთგვარი შედეგების მიუხედავად, სამწუხაროდ, სტაბილურობის მიღწევა ვერ ხერხდება უაღრესად ძნელად გადასაღებად ობიექტური პრობლემებისა და მიზეზების გამო.

მდგომარეობას ამძიმებს ის, რომ ამ სიტუაციაში ცალკეული პირები ცდილობენ ხელისშეშლად გაამძაფრონ კრიზისი, გააღრმავონ დესტაბილიზაცია, შექმნან საწარმოო კოლექტივებში, რკინიგზასა და ტრანსპორტზე არანორმალური მდგომარეობა, მოუწოდებენ გაფიცებისაკენ და ცალკეულ შემთხვევაში აღწევენ კიდევ მიზანს.

ასე მოხდა დღესაც, როცა გარკვეული ჯგუფები გადაუდგ-

ნენ და გააჩერეს რკინიგზაზე 81 მატარებლის მოძრაობა. რესპუბლიკის მოსახლეობას დააკლდება 1,400 ვაგონი ხორბალი, შაქარი, სხვა სასურსათო საქონელი, ნავთობპროდუქტების ცისტერნები. საველე სადგურებში იძულებით გაჩერებულ 13 მატარებელში 7,700-ზე მეტი მგზავრია, მათ შორის 800-ზე მეტი ბავშვი.

ისიც უნდა ითქვას, რომ სამუშაო პროცესის, საწარმოო ციკლის დარღვევის ერთგვარი ფაქტორი უაღრესად უარყოფითად იმოქმედებს ეკონომიკის გაჯანსაღების იმ პროგრამის რეალიზაციაზე, რომლის განსახორციელებლად იღვწის ამჟამად რესპუბლიკის მთავრობა.

საქართველოს მთავრობას აღრევს არაერთხელ განუცხადებია და აცხადებს დღესაც, რომ მზად არის, ყველა პრობლემა, რაგინდ მწვავეც უნდა იყოს იგი, განიხილოს და გადაწყვიტოს ფართო საზოგადოებრივობის, ყველა პოლიტიკური ორგანიზაციისა და მოძრაობის აზრის გათვალისწინებით, საერთო-სახალხო ინტერესებიდან გამომდინარე. ასეთი თანამშრომლობით უკანასკნელ პერიოდში რესპუბლიკის მინისტრთა საბჭომ არაერთი პრობლემა გადაჭრა. მით უფრო გაუგებრად

და მიუღებლად მიგვაჩნია პროტესტისა და აქტიურობის აღნიშნული ფორმები.

სწორედ ამიტომ, საქართველოს მთავრობა აცხადებს, რომ ყველა ამ აქციის მოსალოდნელი შედეგისათვის პასუხისმგებლობა ხალხის წინაშე, უპირველეს ყოვლისა, დაეკისრებათ მათ ინიციატორებსა და ორგანიზატორებს.

რესპუბლიკის მთავრობა მოუწოდებს ყველა მოქალაქეს, სამრევლო, სატრანსპორტო, სამშენებლო, სასოფლო-სამეურნეო წარმოების ყველა შრომითს კოლექტივს, სკოლებს, უმაღლესი სასწავლებლებს, სამეცნიერო, კვლევითი ინსტიტუტებს, დაწესებულებების კოლექტივებს, საზოგადოებრივ მოძრაობათა ყველა გაერთიანებასა და ჯგუფს, იღონონ ყველაფერი, რაც მათ შეუძლიათ დამოუკიდებლად: ნუ აკვეთებთ ემოციებს. გავერთიანოთ ძალისხმევა რესპუბლიკაში სიმშვიდის დასამყარებლად. არსებული მწვავე სოციალურ-პოლიტიკური და ეკონომიკური პრობლემების გადასაწყვეტად.

ყველა ჩვენგანის მიზანი ერთი — დამოუკიდებელი, დემოკრატიული, ცივილიზებული და ეკონომიკურად ძლიერი საქართველოს შენება.

20 ტონა აბრეშუმის პარკისათვის

რიშრაში შემოიპარებოდა თუ არა, ფეხზე იდგნენ. სხვანაირად შეუძლებელი იყო. საქმეს შეეჭიდნენ და მიზნისათვის უნდა მიედევნათ კიდევ, თავი არ უნდა შეერცხვიანთ, — ასე ფიქრობდა თითოეული მათგანი.

ყველაფერი კი იქიდან დაიწყო, რომ 4-მა ახალგაზრდამ მეტრეწეუთა რგოლის ჩამოყალიბება გადაწყვიტა. თინა ლეთოდინი რაიბრეშუმის სპეციალისტია, ბელა დავითილიანი სანიტარულ-ეპიდემიოლოგიურ სადგურში მუშაობს, მაია ბენდელიანმა წელს დაამთავრა ცენტრის საშუალო სკოლა, გოჩა ლეთოდინი კი საგზაო სამმართველოს მუშაა.

70 გრამი მური გაიყვანეს მოსავლელად. გვინდოდა ჩვენი წვლილი შეგვე-

ტანა ქართული მეტრეწეულების განვითარების საქმეში — აღნიშნეს საუბარში.

ერთად შრომა სახალისო აღმოჩნდა. თუმცა მრავალ სიძნელესთან შეეჭიდნენ მოუხდათ, მაგრამ როდის

საქმეში

ულალატონი

შეშინებულან. ისე დაიზარდნენ ჩვენი ქიები, ერთ სახლში ვეღარ მოთავსდნენ და ორი სადგომიც დაეუთმეთ — ღიმით მიყვებიან. ქიებს ჩელტებიც აღარ ეყოთ. ბევრი რაიბრეშუმმა მისცა, ნაწილი კი თვითონ გააკეთეს.

თუთის ფოთოლზე გასაქირი ხომ იყო და იყო. მათ დახმარების ხელი გამოუწოდეს თანამშრომლებმაც

და მეგობრებმა. თუთაზე ნამეტანი რომ გაგვიჭირდა, ყველა ჩვენს გვერდით დაგვირგინდა თუ კოლმეურნეობის ხელმძღვანელობა, საიდან აღარ გვაშრებდნენ.

ამ დამაბულ შრომაში ერთი თვეც მიილია და მიღებ პუნქტს 395 კილოგრამი აბრეშუმის პარკი მიუწონეს.

წელს რაიონში მეტრეწეუთა მხოლოდ ეს ერთი რგოლი არსებობდა. ახალგაზრდებმა კარგ საქმეს მოჰქიდე ხელი. მათ სწამდათ, რომ იქ უნდა იდგეს, სადაც ყველაზე მეტად ხარჯები, იქ უნდა მოსინჯო შენი ძალა და ღონე, და კიდევ, თითოეულ მათგანს კარგად ესმოდა, რომ დაწყებულ საქმეს არ ეღალატებინ.

გვიმრავლოს ასეთები!

ბ. სალინაძე.

ჩვენი ღვაწლის სოფლის სიყვარულით

ლაცორიელი მუხრან ახლედინი საცხოვრებლად სოფელში ღარჩა და სპეციალობადაც ისეთი პროფესია ირჩია, რაც ყოველთვის და ყოველ დროსა საჭირო სოფელში.

მუხრანი მექანიზატორია და ტრაქტორის საქმეს აგერ უკვე 10 წელია რომ უწის. შრომას, სოფლისა და საქმის სიყვარულს ბავშვობიდანვე ეზიარა და ეს ყველაზე კეთილშობილური გრძნობა კვლავაც ძალაში რჩება.

ახლა, როცა ასე დამაბული პოლიტიკური და ეკონომიკური მდგომარეობა ჩვენს რესპუბლიკაში, როცა „რა შენაღდება, რა ჩემი საქმეა“ — ამ განწყობილებით შრომა ვხედავთ სადამდე მიგვიყვანა, ყველაზე თავისი საქმე უნდა აკეთოს, ყველა თა-

აღმართები

ვისი საქმის ბატონ-პატრონი უნდა იყოს, აი, ეს თუ გადაგვარჩენს, ერთმანეთის ნდობა, ერთსულოვნება და პატივისცემა თუ დაგვადგენენ იმ სიძნელეებს, რაც დღეს ჩვენს ყოფაში სუფევს.

ძალზე დამაბული და დაუსვენებელი საქმე ჰქონდა გაზაფხულზე მექანიზატორს. მურთაზის დახმარება და დათხილია ხოჯისა და ლაცორიის 15-15 ჰექტარი სასიმინდე ყანები, გარდა ამისა ვისაც კი რაიმე დასჭირდება, მზადაა დაეხმაროს.

ახალგაზრდა მექანიზატორის ოჯახი, ჭრჭერობით ორ შვილს, მომავალ თავისუფალ საქართველოს ორ ნაშიერს უზრდოვან, თქმა რად უნდა, რომ ამ მშრომელ ოჯახში შვილებიც საქმიანები გაიზრდებიან. სასიამოვნო სანახავია მათი კარ-მიდამო, კოლმეურნეობისაგან იჭარბო ადებული 0,15 ჰექტარი ზვარი და 0,2 ჰექტარი სასიმინდე ყანა უხვი მოსავლის გარანტიას იძლევა.

ჯ. მანდარია.

საქართველოს კომპარტიის 28-ე ყრილობის
მეორე სესიის 6-ე სესიის

საქართველოს კომპარტიის 28-ე ყრილობის მეორე სესიის 6-ე სესიის დასრულების შემდეგ, კომპარტიის პრეზიდიუმის დადგენილი კონსერვატორი ნიშნით იყო წინ ჩვენ შეგვიძლია კარგად ავსონ დავეწონოთ რეალური მდგომარეობა, საქართველოს კომპარტიის 28-ე ყრილობის გეზი, საბოლოო ჯამში, საქართველოს ბედ-იბადად, მისი სახელმწიფოებრიობის აღდგენისა და დამოუკიდებელი კომპარტიის მომავალი, ცხადია, მოსკოვში

თავითგანვარდისათვის

მიღებული გადაწყვეტილებანი საშუალებას გვაძლევს რესპუბლიკის კომპარტიის ყრილობაზე გიმოქმედოთ უფრო დადინჯებით და საფუძვლიანად. სამართლებრივად ითქვას, სკკპ 28-ე ყრილობაზე იყო მკაცრი, საქმიანი სჯა-ბაისი, ისეთი, ჩვენ რომ არ ვიყავით მიჩვეულები. ბევრი დღეღამის გამოხატა შემოაბრუნა ყრილობა პროგრესისა და დემოკრატიისაკენ. ის, რომ სკკპ წესდების 22-ე სტუდია ჩვენთვის სასურველი რედაქციით იქნა მიღებული, ამის შესახებ დამოუკიდებლობის გზა მართლაც ხსნილია. დამთავრებული ყრილობის შედეგებიდან გამომდინარე, პარტია მივიდა იმ დასკვნამდე, რომ საბჭოებისადმი მეურვეობაზე აიღოს სული, მისცეს საბჭოებს დამოუკიდებლობა და მეტი გაზრდილობა. მაგრამ, ჩემის აზრით, ყრილობა

ხალხს მოგვარდა მხოლოდ ღო-ზუნგებით და მიტინგებით, პროტესტებით და აქციებით ცხოვრება. უშრომლად და უსწავლელად საქართველოს ვერ გამოვადგებით. ახლა სოფლად გაურკვეველი ვითარებაა. ცხოვრებამ მოიტანა და საქორაო კარდინალური ცვლილებები სოფლის მეურნეობაში. ბოლოსდაბოლოს მიწა უნდა ეკუთვნოდეს იმას, ვისაც მისი მოვლა შეუძლია, მაგრამ ერთი რამ ფაქტია—ჩვენ უნდა ავირჩიოთ საკუთრების ის ფორმა, რომელიც ჩვენი სოფლისათვის, მისი კონკრეტული პირობებისათვის აუცილებელია და პრაქტიკული. მომგებიანი საზოგადოებრივი მეურნეობის შენარჩუნებას ვინ გვიშლის. და რაც მთავარია, საქართველოს, მის მომავალს გადაარჩენს თვითგანწყენა, ყოველმა პოლიტიკურმა პარტიამ, ორგანიზაციამ, ოფიციალურმა თუ ოპოზიციურმა ხელმძღვანელმა უნდა იფიქროს საქართველოზე და ქართველებზე და არა პირად კეთილდღეობაზე. ჩვენთვის, კომუნისტებისათვის, ახლა მთავარია რეალური საქმე, ადამიანების გვერდში დგომა, ეროვნული პოზიცია და არა ქაღალდები და დადგენილებები, მოჩვენებითობა და სიუპლე, რომლითაც ასე ვატყუებდნენ და ჩვენ სხვას ვატყუებდით წლების მანძილზე. მ. გოგიძე. ცაგერის კოლმეურნეობის პარტიული კომიტეტის მდივანი.

მართი თვე დარჩა ახალი სასწავლო წლის დაწყებამდე. სკოლებში სარემონტო სამუშაოები მიმდინარეობს, ალამაზებენ ეზოებს, რომ პირველ სექტემბერს მომზადებული შეხვდნენ. ქვედა ცაგერის არასრული საშუალო სკოლის მოს-

სკოლების მზანაზოვას, რამონტს—საერთო გულისხმური

ახალი სკოლის მოლოდინში

წავლენები კი ახალი სასწავლო წლის დაწყებას განახლებულ შენობაში იზიებენ. წელიწადნახევრის წინ დაიწვა ძველი შენობა, ხანძარმა მთლიანად გაანადგურა მეორე სართული, რომელიც ხის ნაგებობას წარმოადგენდა. ხაწილობრივ დაზიანდა პირველი სართული. მეცადინეობები ბავშვების შენობაში გამოყოფილ ოთახებში ტარდებოდა. ცაგერის რაისაბჭოს აღმასკომის მშენებლობისა და არქიტექტურის საქმეთა განყოფილებაში შემუშავდა სკოლის რეკონსტრუქციის პროექტი (ავტორი ზ. ბენდელიანი). შარშან მაისში მშენებლობა დაიწყო ცაგერის კოლმეურნეობამ (სამუშაოთა მწარმოებელი ს. სალინაძე). პროექტი ინდივიდუალური ფორმითაა გადაწყვეტილი. შენობას აქვს დიდი

ოთახები, ფართო ღეროვანი დღის განათებით. შენობის გადახურვა ლითონისაა. ობიექტის სათავეებზე ბისას ადგილზე დაგვიწესდა მშენებლობის ტექნიკური ზედამხედველი, აგროსამრეწველო გაერთიანების უფროსი მშენებელი ინჟინერი ნ. სედაგიანი, რომელმაც არაერთი საქმეარი სიტყვა თქვა მშენებელთა მისამართით, რომ მათ სამშენებლო მასალების მწვავე დეფიციტის პირობებში, მიცემულ ვალში შეძლეს მშენებლობის ძირითადი დამთავრება. აღნიშნა, რომ სამუშაოები ხარისხიანადაა შესრულებული. ახლა აქ დამთავრების პროცესშია მოპირკეთების სამუშაოები. დარჩენილია პირველი სართულის მეორედ შეღებვა, შემდეგ გადავლენ გარე სამუშაოებზე, სახანძრო ავზის მშენებლობაზე. ობიექტის ხელმძღვანელები სიტყვას იძლევიან, რომ პირველი აგვისტოსათვის დაამთავრებენ ყველა სამუშაოს, რაც პროექტითაა გათვალისწინებული. სკოლის ტერიტორიის კეთილმოწყობისა და შემორაგვისათვის თანხა არაა გამოყოფილი, არადა აუცილებელია სპორტული მოედნის მოწყობა, რომ ფიზკულტურის გავრცელების ნორმალურ პირობებში ჩატარდეს და ბავშვებს თავისუფალი დროს თამაშის საშუალება ჰქონდეთ. კარგი იქნება, თუ ახალი სასწავლო წლის დაწყებამდე ეს საქმეც მოგვარდება, რომ ახალი სკოლა ბავშვთა გონებრივი და ფიზიკური აღზრდის კერა გახდეს. ბ. ჩარაპიანი.

სადღისი თამაზი

რუბრიკით „კოლმეურნეობა თუ გლეხური მეურნეობა“ ჩვენს გაზეთში ხშირად იბეჭდება წერილები, რომლებშიც გამოხატულია გლეხების წუხალი ამ საკითხის გაურკვევლობის გამო. მშრომელი კაცის სამართლიან წუხილს იზიარებს ყველა მეტნაკლებად პატარასი ადამიანი, მაგრამ ვინ ქმნის გაურკვევლობას, ვინ უწყობს ხელს საკითხის გაუგებრობას?—ეს კითხვა კარგა ხანია აღარ არის ძნელად პასუხისმცემი. უნდა ვთქვათ ჩვენი გლეხების კარგად იცის, ვინ არის ამ გაურკვევლობის წყარო. საკითხის ისტორია ბევრმა იცის, მაგრამ მე მაინც შეგახსენებთ ზოგიერთ მომენტს. ერთ წელზე ცოტა მეტია გასული იმ დღიდან, რაც ლენინის სახალხო ფრონტის ინიციატივით გამოცემულმა მიტინგმა მიიღო რეზოლუცია რაიონში საზოგადოებრივი მეურნეობის გაუქმების შესახებ. მიტინგის ორგანიზატორებმა გამოვიყენებთ იქიდან, რომ ჯერჯერობით მეურნეობა ზარალიანა და მათი არსებობა ხელს უწყობს ლენინში სასოფლო-სამეურნეო წარმოების დაცემას, რაიონის ეკონომიკის განვითარებას (უფრო ზუსტად—კოლმეურნეობის აღდგენას იწყება განაგება). რეზოლუცია მოითხოვდა დაშლილი კოლმეურნეობების ნაცვლად

გლეხური მეურნეობების განვითარებას (და არა შექმნას—ისინი დღესაც არსებობს ე. წ. საკარმიდამო მეურნეობების სახით). ამ მოთხოვნის ოფიციალური პასუხი, ასე ვთქვათ, დადებითი იყო, რადგან რაიონის ხელმძღვანელობამ აღიარა იდეის მართებულობა მთის პირობებში, მაგრამ მანვე სცადა დაერწმუნებინა ხალხი, რომ კოლმეურნეობების „ასე ხელაღებით“ გაუქმება არ შეიძლებოდა. ეს, რაღა თქმა უნდა, ფუჭი შრომა იყო, რადგან „ხელაღებით“ არც არავინ ითხოვდა რაიმეს. შემდეგ ხელისუფლების პოზიცია დროგამოშვებით იცვლებოდა იმის შესაბამისად, თუ რა მომენტი იდგა—ოპოზიცია უტყდა თუ მთავრობა, არჩევნების მოგება იყო საჭირო თუ. პირველი მიტინგის შემდეგ ჩვენ განუწყვეტელი გვესმოდა, რომ „ასე ხელაღებით“ არ შეიძლებოდა, რომ საქირო იყო კომისიების შექმნა, მიწის ფონდის განაგარიშება, დებულების შემუშავება, ყველაფრის კარგად აწონდაწომა, რადგან თურმე ბევრი საკითხი იყო გასარკვევი: „რამდენი უნდა გადაიხადოს გლეხმა ერთ ძირ ვაზში, ერთ სულ ძროხაში (კოლექტივიზაციის დროს თუ გადაუხადეს ქონებაჩამორთმეულ გლეხებს რაიმე?)“, რამდენი იქნება რენტი, სად წაიღონ ტექნიკა, შენობა-ნაგებობანი, ვინ უზრუნველყოფს გლეხს პენ-

სიით, როგორ იქნება დაზღვევის საკითხი, როგორ დაასაქმონ გამოთავისუფლებული აპარატის მუშაკები, აღიკვეთოს მიგრაცია და სხვა მისთანანი“. და ყოველივე ამას ისე დაუინებით და სერიოზულად იმეორებდნენ, როგორც გულისხმიერი მასწავლებელი, მოსწავლეს რომ ვერაფრით გაგებინა მარტივი გაკეთილი. სინამდვილეში ამ „მოსწავლეებს“ „მასწავლებელზე“ ცუდად არ ესმოდათ პრობლემების არსი და გრძნობდნენ მთელ სირთულეს, რაც მის გადაწყვეტას ახლავს. საქმე კი ახსნა-განმარტების იქით არ მიდიოდა, არავითარი კომისიები, არავითარი დებულება, არავითარი კონკრეტული ნაბიჯი, თუ არ ჩავთვლით ოპოზიციის ჭურჭელსავე გააფთრებულ პროპაგანდას კოლმეურნეობების გაუქმების წინააღმდეგ. მერე იყო ერთი ღირსშესანიშნავი მომენტი. ოფიციალისაგან უპატრონოდ მიტოვებული დამეწყრილი ჩხუტედილი მოსახლეობის დაუინებელი მოთხოვნით ზამთრის დადგომისას ცაგერში ჩამოვიდა სამთავრობო კომისია. გაფიცულებთან შეხვედრისას (სხვათა შორის, ამ შეხვედრასაც დაუინებელი მოთხოვნა დასქირდა), კომისიის ერთ-ერთმა წევრმა, საქაგრომრეწვის თავმჯდომარის მოადგილემ ბატონმა ბაკურ გულუამ საკუთა-

რი ინიციატივით დახატა მომავალი მთის სოფლის პერსპექტივა. მისი შეხედულებანი თითქმის მთლიანად დემთხვა ჩვენს მოთხოვნებს: კოლმეურნეობების გაუქმება მთიან რაიონებში, ყოველგვარი სახელმწიფო გეგმა-დავლებებისაგან განთავისუფლება, აგრეთვე განთავისუფლება მიწის გადასახადისაგან და ძალზე მაღალმთიანი სოფლებისათვის სახელმწიფო დახმარების მიცემა. ჩვენ, რა თქმა უნდა, გულუბრყვილოდ არ გვირწმუნია ბატონ გულუას დანაპირები, რადგან ვიცით, რა დიდი მანძილია ოფიციალის სიტყვასა და საქმეს შორის, მაგრამ, რა დასამალია და, არგუმენტად კი ვიყენებდით, ასე ვთქვათ, „კოზირი“ ხელთ გვქონდა. ამას მოჰყვა რესპუბლიკის უმაღლესი საბჭოს საარჩევნო კამპანიის დაწყება. ახლა უკვე იშვიათად ისმოდა ნაცნობი „ასე ხელაღებით“, სამაგიეროდ, დაპირებებმა იმატა: დღეს თუ არა ხვალ, ხვალ თუ არა ზეგ. მოვიწვევთ სამთავრობო კომისიას, შევქმნით ადგილობრივ კომისიებს, დაიწყებთ, დავინაგარიშებთ, ავზომათ. შემდეგ იყო მკაცრად განსაზღვრული ვადა და შესაბამისი დაპირება—არჩევნები იყო მოსაგები. ეს „სანატრელი“ დღე კი გადაიდა და დანაპირებიც საპნის ბუშტივით გაქრა.

ახლა? ახლა ვითარება ნამდვილად საგანგაშოა. ყველა ხედვს, რომ კოლმეურნეობის გაუქმება გარდაუვალია, რაც უნდა ეცადონ ამას სახელ-სახარავს ჩაბლაუჭებული ყველა რგოლის აპარატის მუშაკები, რღვევის პროცესს ვერ შეაჩერებენ. ადამიანები გრძნობენ უპატრონობას (მაგრამ არა უბატონობას—ყველაფერი ბატონების ხელდასხმით ხდება) და დაიწყეს კიდეც მიწების მიტაცება. გახმაურდა რამდენიმე შემთხვევა, როცა ზოგიერთმა თავგასულმა თუ შეცდომაში შეუვანილმა პიროვნებამ იჭარბა გაფორმებული ან საკარმიდამო ნაკვეთი წაართვა მეზობელს, თანასოფელელს, ნათესავსაც კი. მამა-პაპის ნაქონიო. გლეხებს ვიღაც უმტკიცებს აზრს, რომ შეიძლება მამა-პაპისეული, ოდესღაც წართმეული ქონების დაბრუნება, გლეხური მეურნეობების აღდგენა კოლექტივიზაციამდე საზღვრებში, ამ ხმების გავრცელებას ხელს უწყობს ზოგიერთი კოლმეურნეობის თავმჯდომარე, რომლებიც ხმამაღლა აცხადებენ პრეტენზიას „მამულების“ დაბრუნების გამო. მიწების ნაციონალიზაცია უფლების აღდგენის გზით, მიგვიყვანს უფრო დიდ სოციალურ უსამართლობამდე, უმიწაწყლოდ დარჩება გლეხთა დიდი ნაწილი, რომელთაც ცხოვრების სხვა სახსარი არ გაჩნია. ამ გზით პრივატიზაცია,

პინ

უწყობს

ხელს

ჩ ვ ე ნ ი წ ა რ ს უ ლ ი ჩ ვ ე ნ ი ი ს ტ ო რ ი ა ა

მურის ციხე

მინც ლეჩხუმში და მის რაიონულ ცენტრში ცაგერში ყოფილა, არ შეიძლება ყურადღება არ მიექცია ცაგერის ჩრდილოეთით მდინარე ცხენისწყლის მარცხენა სანაპიროზე კლდოვან თხემზე მდებარე მურის ციხეთა კომპლექსისათვის, რომელთა სახელები ისტორიამ ასე შემოგვინახა „დაუხვდი“, „დაპკარი“ და „არ გაუშვა“.

1947 წელს პოეტმა აკადემიკოსმა ირაკლი აბაშიძემ მურის ციხეებთან და მისი შემოგარენით აღფრთოვანებულმა შექმნა ძვირფასი ლექსი „სამი ციხე“ „მურის ძველ ხიდთან, სადაც

გორმანებს თითქოს მდინარემ დანა დაუხვა, სამი ციხე დგას: ციხე—„დაუხვდი“, ციხე—„დაპკარი“ და „არ გაუშვა“.

მურის ციხე თავისი მდებარეობითა და მიუვალობით ერთ-ერთი შთაბეჭდილება მთელს ლეჩხუმში, იგი მდებარეობს ზუსტად სვანეთ-ლეჩხუმის საზღვარზე, ცხენისწყლის კლდეკარში, კლდოვანი ქედის თხემზე, რომელიც პერპენდიკულარულად ეხდინება მდინარის მარცხენა ნაპირს.


მურის ფორტიფიკაცია ციხითა და ცალკე მდგომი ოთხი მოკავშირე კოშკით ერთიან რთულ სათავდაცვო სისტემას ქმნის.

ციხეს „დაუხვდი“ მაღალი, კლდოვანი თხემის შუა ნაწილი უკავია მისგან აღმოსავლეთით ციხის მისადგომი ოთხკუთხეა კოშკით („დაპკარი“) არის დაცული, დასავლეთით თხემის განაპირას, მეორე, სათვალთვალ კოშკი მდგარა, ამ კოშკებს შორის ადვილად გასვლელი კლდოვანი მონაკვეთები დამატებითი კედ-

ლებით იყო დაცული. ქვემოთ, მთის ძირში, იქ, სადაც მდინარის ვალაოტი კლდეკარს ქმნის, ორთავე ნაპირას თითო კოშკი.

დამრეც ფერდობზე აღმართულ ციხეს ერთდერითი შესასვლელი სამხრეთ-დასავლეთიდან აქვს. კარს მის ზემოთ მოწყობილი საბრძოლო ბილიკიდან იცავდნენ, ციხის ცხოვრების უადრეს პერიოდს განეკუთვნება დასავლეთი ნაწილი. იქ არსებული, რომელიც გვიანდელი მაშეკულებით სრულდება, თითქმის მთელ სიმაღლეზე ამოყვანილია მტკიცე თარაზული წყობით, კარგად შერჩეული, თანაბარი ზომის კვადრები საგულდაგულოდაა მორგებული ერთმანეთზე. მსგავსი წყობა შეინიშნება კედლის ქვედა რიგებში.

ციხის აღმოსავლეთი ნაწილი



მურის ციხე, კოშკი.

დათმობილი აქვს წაგრძელებულ სწორკუთხა ფორმის „ციხე სახლს“. რომელიც ყველაზე მაღალი შენობა უნდა ყოფილიყო. მისი აწინაგრებული სამი გვერდი ორმაგი კედლით ყოფილა ნაშენი, მეორადი კედელი შეიგნა ამოუყვანიათ. ოთხსართულიანი ნაგებობის პირველ სართულს სამეურნეო დანიშნულება ექნებოდა. დასავლეთის მხარეს შემორჩენილია მეორე სართულის კარის ღიობი შესასვლელის საპირისპიროდ გაჭრილი სარკმლიდან, როგორც ჩანს, ციხის მისადგომებს უთვალთვალდნენ. მესამე სართულზე ფართო ოთხკუთხა ღიობებია: სულ ზემოთ, საბრძოლო სართული მაშეკულებით სრულდება. აღწერილი „ციხე-სახლი“ შეიძლება მიეჩნეოდეს მის მფლობელთა სასახლედ.

ციხის ეზოს შუა ნაწილში შემორჩენილია კედლების ფრაგმენტები. იკითხება სწორკუთხა სა-



მურის ციხე
გორმანთა

მურის ციხის ნანგრევები.

თავსოს გეგმა, რომელიც აღმოსავლეთით „ციხე-სახლს“ ემიჯნებოდა, ჩრდილოეთის მხრიდან ციხეს ზღუდავს პიტალო კლდეზე დაშენებული გალავნის კედელი, რომელიც დასავლეთ ნაწილში ტრაპეციის მოხაზულობის მონაკვეთს ზღუდავს. აქეთ შეინიშნება სამეურნეო სართული თახჩებითა და მიწაში ჩაფლული ქვე-ერებით. ზემოთ საცხოვრებელი სართული უნდა ყოფილიყო, კლდეში სარკმლებია დაყოლებული.

ციხის გარეთ, შედარებით გა-

ვანებულ ადგილას, წყლის რეზერვუარი და დამხმარე ნაგებობათა ნაშთებია.

თხემის აღმოსავლეთით მდებარე კოშკი შედარებით უკეთ არის შენახული, კოშკის კედლები ერთობ თხელია (60 სანტიმეტრი). კარი აქაც მეორე სართულზეა, დასავლეთით პირველ და მეორე სართულზე თითო სარკმელია ქვერთან ახლოს გაჭრილი. ღიობები მრავლად არის მესამე სართულზე. სულ ზემოთ

(დასასრული მე-4 გვერდზე).

გაურკვევლობას?

შეიძლება და ზდება კიდევ ბალტიისპირეთში, რომლის გასაბჭოებაც შედარებით გვიან მოხდა. იქ ჭერაც არ წასულა ამ სოფლიდან მაშინდელი თაობა, ცოცხალია ხალხის ხსოვნა და დოკუმენტურადაც შეიძლება შემკვიდრეობის უფლების დადასტურება. ჩვენთან კი ყველაფერი ეს მიახლოებით შეიძლება აღდგეს, მაგრამ საზღვრების დადგენა შეუძლებელია. ერთი უბრალო მაგალითი: გლეხი ამბობს, ეს სოფელი სულ ორი ოჯახისა ყოფილაო. მაგრამ მან არ იცის, სად ესაზღვრებოდნენ ისინი ერთმანეთს, რა ნაწილი იყო ერთისა და რა მეორისა. ამიტომ ეს პრინციპი უყოყმანოდ უნდა უარყუთ. მართალია, ეს ერთის მხრივ უსამართლობაა იმით მიმართ, ვინც „წელიწადი ფეხს იდგამდა“ და ისე შეიძინა ქონება, კოლექტივმა კი წართვა იგი, მაგრამ სხვა გამოსავალი არაა. აბსოლუტური სამართლიანობის მიღწევა ამ საქმეში წმინდა წყლის უტოპიაა. ჩვენ უნდა ვეცადოთ შესაძლებლობის ფარგლებში მაქსიმალურად დავიცვათ სამართლიანობა. ჩვენ აღარა ვართ მამა-პაპური მიწის მემკვიდრენი, ჩვენი შეილები კი უნდა იქცნენ ჩვენს მემკვიდრეებად. სწორედ ამას ნიშნავს მიწის გადაცემა მემკვიდრეობის უფლებით. გლეხს კარგად უნდა განვუმარტოთ ეს, რათა არ მოხდეს უსიამოვნო ექსცესები, ყველა ხომ ვერ მოი-

თმნის უსამართლოდ მიწის წართმევას. გამორიცხული არ არის ამ ნიადაგზე კაცთაყვლა (სხვათა შორის ამ საშიშროებაზე რამდენჯერმე მივუთითეთ რაიონის ხელმძღვანელობას და ვთხოვეთ ფრთხილად მიდგომოდნენ მიწის საკითხს, მაგრამ პასუხი ერთი იყო—ნუ გეშინიათ, არაფერი მოხდებაო. ღმერთმაც ქნას!), ზოგიერთი თავმჯდომარე ხომ საერთოდ არ ერევა ამგვარ დავებში და ერთმანეთში „მორიგებას“ ურჩევს მოსარჩლე-მოპასუხეს. ამაზე იტყვიან—სხვისი ქირი, ღობეს ჩხირიო.

ვითარებას ართულებს ისიც, რომ აპარატის მუშაკები გლეხებს აფრთხილებენ მოსალოდნელი „წელში გამწყვეტი“ გადასახადებით, ტექნიკის უქონლობით და სხვა მისთანანთ. ზოგიერთი იმასაც კადრულობს, რომ იმუქრება, ვინც გლეხურ მეურნეობაზე გადავა, იმას ყველაზე გვიან ან საერთოდ არ დავუხნავთ მიწას, ხელ-ფეხს ისე შევუკრავთ, შიმშილით მოკვდებო. ერთეული ასეთი შემთხვევები უკვე წილსაც მოხდა. ზოგი ბელმძღვანელი მუშაკი „თავგასული“ გლეხის საქვეყნოდ შეურაცხყოფასაც არ ერიდება.

გლეხთა დისკრიმინაციის სუბიექტი რომ სრული გახდეს, ვიტყვი იმასაც, რომ ზოგან ყოველნაირად უშლიან ხელს ცალკეულ კოოპერატორებს, რომლებიც ცდილობენ მოიპოვონ აპარატისაგან შედარებით დამოუკიდებლობა, და ეს მაშინ, როცა მმართველი რგოლის წარმომადგენლები, მიხედვით რა რღვევის პროცესის შეუქცევადობას, ცდილობენ რაც შეიძლება სარფიანი კოოპერატივების ჩამოყალიბებას თავიანთთვის ჭერ ისევ არსებული კოლმეურნეობების ხარჯით.

ყველაფერი ამის შემდეგ გასაკვირიც არაა, რომ გლეხები ასე შეაშინა მომავალმა, რომლის გაურკვევლობა ხელს ძალევი კოლმეურნეობათა „მხურვალე“ თავყვანისმცემლებს. ისიც არ უნდა გაგვივირდეს, რომ თუ ადრე მთელი სოფლები წერდა კოლექტიურ თხოვნა-განცხადებებს კოლმეურნეობიდან გასვლის თაობაზე, დღეს სულ ორიოდ კაცს აქვს წანცხადება დაწერილი. ამ ფაქტს კარგად იყენებს ზოგიერთი თავმჯდომარე და გვარწმუნებს, გლეხებს არ სურთ კოლმეურნეობიდან გასვლა. ზოგი იმასაც იშველიებს, საკოლმეურნეო წესდება არ გვაქვს, კოლმეურნეობის დაშლის უფლებასო. თქვენ წაჭმოიდგინეთ, ეს ყურით მოთრეული მიზეზები დღემდე დიდ გასავალშია.

რას გვიქადის მომავალი? ქართველობის უზენაესი მიზანი და ამოცანა საქართველოს სრული სახელმწიფოებრივი დამოუკიდებლობის მიღწევაა. ამ მიზნის რეალობა ექვემდებარება, ხოლო დამოუკიდებელი საქართველოს მთავრობა (იმის მიუხედავად, როგორი იქნება იგი) უპირველეს ამოცანად მიიჩნევს გლეხზე ზრუნვას, რადგან სხვანაირად შეუძლებელია უპირატესად აგრარულმა ქვეყანამ შეინარჩუნოს და განიმტკიცოს დამოუკიდებლობა, მთავრობა განახორციელებს სწორედ იმ ღონისძიებებს, რაც შემოგვთავაზა ბატონმა ბაკურ გულუამ. მაგრამ დამოუკიდებლობამდე ჭერ შორია, მანამ კი უნდა მივადწიოთ მაქსიმუმს, რისი მიღწევაც შეიძლება დღევანდელ ხელისუფლებასთან საზოგადოებრივი მეურნეობები უყოყმანოდ უნდა დაიშალოს, მიწა მემკვიდრეობის უფლებით გადაეცეს გლეხს (ამოსავალი პრინციპი იქნება). კოლმეურნეობის ქონება მთლიანად დაუბრუნდეს გლეხობას (შეიძლება ნაწილი გადაეცეს სოფლსაბჭოს), მიწა უნდა მიეცეს უსასყიდლოდ (გლეხს არა აქვს სახელმწიფოს ვალი, პირიქით კია). ტექნიკა მიეცოდეს ან სოფლის მეურნეობის მემკვიდრეობის მიეცეს ცალკეულ პირვნებს, კოოპერატორს და თანხა მოხმარდეს სოფლის საქმიანობას. დაწესდეს მინიმალური რენტა, მაგალითად, ისეთი, როგორც საკარმიდამოზეა დაწესებული (სხვათაშორის ესტონეთში

მიწის რენტა ახლაც მ მანეთს არ აღემატება), რა თქმა უნდა, სახელმწიფო გეგმა მთლიანად უნდა უარყუთ.

ყველა ამ ღონისძიების განხორციელება დღევანდელ პირობებში შეიძლება, გადამწყვეტი სიტუაცია აქ გლეხობამ უნდა თქვას, ვინდოთ აღმასკომისა და კოლმეურნეობის ე. წ. „კომისიებს“, ნიშნავს კოლმეურნეობის ქონება ხელში ჩაუვადოთ რამდენიმე კაცს, შევლახოთ სოფლის ინტერესები. ამიტომ, თუ კოლმეურნეობებში უკვე მიმდინარეობს კრებები, ისინი უნდა წარმართოს გლეხობამ, შექმნას სწორედ ის თვითმმართველობის ორგანოები, რომელთაც ხშირად გვქონდა ლაპარაკი მათთან და მიხედონ თავიანთ ქონებას, წინააღმდეგ შემთხვევაში გაურკვევლობის წყარო არ დაშრება. ამტკიცებენ: მკითხველს ვთხოვ, ისე არ გამოგოს, თითქოს აპარატის ყველა მუშაკს და ყველა თავმჯდომარეს ერთ ტაფაში ვაქცევ, არა, მე ღრმად ვარ დაწმუნებული, რომ მათ შორის პატიოსანი, ხალხზე გულშემატკივარი ადამიანებიც არიან, ვიცნობ კიდევ ასეთებს, იმედი მაქვს, რომ ისინი ბოლომდე გლეხობის მხარეზე დადგებიან, ხოლო მათ, ვინც შეიცნოთ თავი ჩემს წერილში, ვთხოვ, გაიხსენონ ლეგენდა უძველესი და დაუბრუნდნენ მამას, მშობელ ხალხს, იფიქრონ მასზე, ჭერ კიდევ არაა გვიან.

ი. ა. ხაბიძე.

მურის ციხე

(დასასრული).

მეოთხე სართული მაშეულებით იყო აღჭურვილი, სართულშუა ხის გადახურვები ამჟამად ჩამოქცეულია. კოშკის ჩრდილო დასავლეთის კუთხეში გალენის თხელი კედელი ერთის.

მურის ციხე გზაგარედან კეტავდა. ლაჩანურის ხეობიდან ცხენისწყლის ხეობაში გადმოსული გზა ორბელსა და ჩხუტელზე გამოვლით, ციხის ქვეშ დღევანდელი მურის ხიდიდან ცოტა ქვემოთ, „ლაწუნდარის“ ციხის ქვეშ გამოდიოდა, იმ ადგილას დღესაც „ძველნახიდვარს“ ეძახიან, ამის შემდეგ ერთი გზა ლენტეხისაკენ აყვებოდა მდინარეს, მეორე კი, მარჯვენა სანაპიროთივე ცხენისწყალს ქვემოთ ჩამოუვებოდა. კლდეკარის სიგანე მურთან 50 ნაბიჯი იყო, ხიდის სიგრძე კი—40. ახლა ლენტეხი-ცაგერის გზის სამუშაოების შესრულებასთან დაკავშირებით აფეთქებებით ეს კლდეკარი შესამჩნევად გაფართოვდა. მაგრამ ამჟამად იგი ერთ-ერთი ვიწრო ადგილია ხეობაში. მურის ციხის გალმა, მარჯვენა, კლდეგან ნაპირზე იდგა ერთი კოშკი, რომელსაც რაგვის ციხე, ანუ „ლაწუნდარი“ ერქვა. იგი მურის მდინარისპირა კოშკის სიმაღლეზეა და მისი თანდართული ნაგებობა უნდა იყოს—ციხის ძველ ფენებთან შედარებით უფრო მოგვიანო, ცხადია, სიმაგრეთა ამ სისტემით მურის გასასვლელი ცხენისწყალთან სამედიდო იკეტებოდა.

მურის ციხე ყოველთვის მოქმედი იყო. გვიან პერიოდში დალიანებს მურში სამთავრო სასახლე ჰქონდათ. 1770 წელს, როცა სამეგრელო ოსმალთა ჯარებმა დაიკავეს, მურის ციხეში იყო გამაგრებული სამეგრელოს მთავარი კაცია დალიანი, რომლის მეუღლე, ერეკლე მეორის და ელისაბედი აქვე გარდაიცვალა.


და იგი დასაფლავებულია ცაგერის ეკლესიის ჩრდილო დასავლეთ კუთხეში. ასევე, როცა 1855-56 წლებში ოსმალეთის ჯარებმა ომარ ფაშას მეთაურობით დაიკავეს დასავლეთ საქართველოს მეტი წილი, სამეგრელოს დედოფალი ეკატერინე ჭავჭავაძე-დალიანი გამაგრებული იყო მურის ციხეებში და როცა გაიგეს, რომ თურქთა ჯარები დამარცხებული და განდევნილი იქნა დასავლეთ საქართველოდან, მურის ციხის ქვეშელების გასრდლით ეს სასიხარულო მოვლენა ამცნეს მოსახლეობას.

მურის ციხეების ისტორიაზე ბევრი ლეგენდა, თქმულება და ხალხური გადმოცემაა.

გვიან შუა საუკუნეებში იმერეთის მეფეებსა და სამეგრელოს მთავრებს შორის მუდმივი დავა იყო ლენტეხისათვის, ხალხური გადმოცემა მოგვითხრობს, რომ მურის ციხეები ეკუთვნოდა 9 ძმა ჩარკვიანებს, რომლებიც იმერეთის მეფის ერთგულნი

იყვნენ. სამეგრელოს მთავარმა დალიანმა ისინი მოტყუებით გამოიყვანა მურის ციხიდან და ცხრავე ძმას თავები მოჰკვეთა, მურში დაასაფლავა და ციხეები დაისაჯურა. ასევე ბევრი თქმულებაა სახელწოდებების „მურის“, „ლაწუნდარის“ და სხვათა წარმოშობასთან დაკავშირებით.

1987 წელს რაიონის ახალგაზრდებმა კარგი ინიციატივა წამოიწყეს. ძველთა დაცვის რესპუბლიკური კომიტეტთან შეთანხმებით შედგა მურის ციხეების აღდგენა-გამაგრების სამუშაოების პროექტი. დაიწყო პრაქტიკული საქმიანობა. ახალგაზრდებმა ძალებით შაბათობებით გაწმენდეს იქნა ციხის შემოგარენი, კედლების მონაშალი, მასალა, გერტმფრენის დახმარებით მიზიდული იქნა სამშენებლო ქვიშა და სხვა მასალები. მაგრამ შემდგომში შეჩერდა ეს კარგი წამოწყებული საქმე. მას შემდეგ ციხეებს არავინ გაჰყარებია. არადა ციხის კედლები საფრთხეშია, დანგრევის პირასაა მისული, საწრაფო გამაგრებას საჭიროებს.



მურის ციხე, აღმოსავლეთის ცალკე მდგომი კოშკი

შენთქის, მაჩოსველი

ცაგერის წიგნის მალაზიაში მიღებულია და გაყიდვაში შემდეგი სახის ლიტერატურა:

გ. ქავთარია, ძმები გრაქულები, თბ. უნივერსიტეტის გამომცემლობა, 1990 წ.

წიგნი მიძღვნილია ცნობილი რომელი რეფორმატორების ტიბერიუს და გაიუს გრაქუსების მოღვაწეობისადმი.

გ. ნოზაძე, საქართველოს აღდგენისათვის ბრძოლა მესხეთის გამო, თბ. საქართველოს თეატრის მოღვაწეთა კავშირი, 1989 წ. პარიზში 1975 წელს გარდაცვლილი ქართველი მეცნიერის ვიქტორ ნოზაძის წიგნი ეძღვნება საქართველოს დემოკრატიული რესპუბლიკის საგარეო პოლიტიკის ისტორიას 1918-1921 წლებში. ისტორიის ვიქტორ ნოზაძე ანოზადოებს უცხოეთში გამოცემული მანამდე უცნობი მასალების მიხედვით, რაც ამ ნაშრომს განსაკუთრებულ მნიშვნელობას ანიჭებს ქართულ ისტორიოგრაფიაში. წიგნი საქართველოში პირველად იბეჭდება.

შ. გრიგოლია, ადამიანის ორგანიზმის საიდუმლოებანი, თბ. „საქართველო“ 1990 წ.

წიგნი მოთხრობილია ადამიანის ორგანიზმში ტვინის, გულ-ის, სისხლის, ფილტვების, ღვიძლის, თირკმელების სასიცოცხლო ფუნქციებისა და დანიშნულების შესახებ, გადმოცემულია ფიზიოლოგიურ ან ნორმალურ

მდგომარეობაში მათი მოქმედება და ის ქიმიური, ფიზიკური, ბიოლიკითიოეულ მათგანს აკისრია ადამიანის სიცოცხლისათვის.

ძილი და სიზმარი, სიზმრების მეცნიერულად დასაბუთებული ახსნა შედგენილი ცნობილი მედიუმის მის-პასეს მიერ, თბ. ისი, საქინფორმინო, 1990 წ.

ადამიანის ინტერესი შეუცნობელი შეგრძნებებისა თუ ხილვების მიმართ ყოველთვის ძლიერი იყო. ამიტომ მიაწერდნენ სიზმარს წინასწარმეტყველურ თუ ზებუნებრივ თვისებებს. წიგნი შეძლებისდაგვარად არის ახსნა-ლი სიზმრის არსი და მუდმივი ხილვების მნიშვნელობა.

ა. ბაქრაძე, კინო, თეატრი, თბ. „ხელოვნება“, 1989 წ.

ამ წიგნში დაბეჭდილი წერილები ეხება კინოსა და თეატრის ცხოვრება-საქმიანობას, ავტორი უშუალოდ მონაწილეა ამ ცხოვრება-საქმიანობისა. წიგნი წარმოადგენს მისცემს მეოთხეულს რა საკითხები აწუხებდა კინოსა და თეატრს გარკვეული წლების მანძილზე, რამდენად არის ის ძველი სატკივარი დღეს განკუთრებული, თუ არაფერი შეცვლილა და ძველი ჭრილობა ისევ დაუნდობლად გვახსენებს თავს?—ამ თემაზე მიძღვნილი წერილები „გახსენება“, „არ სდებენ საძაბუნოთა“, „რატომ ხდება ასე?“, „პროზა თუ დრამატურგია“, „გუშინდელი დღეს“ და სხვა.

სიგნალი

რუტყვის ვაიპატრონებს, ჩვენ თავად დავუბრუნოთ და მანამ არ დავუბრუნებთ, სანამ ზარალს არ გადავახ-

სხვა გამოსაცემი არაა

პითმიწათ, მაგრამ ბოლოსდაბოლოს იძულებული გავხდით თქვენთვის მოგვემართა. ან როგორი მოსათმენია, როცა ქალაქში ასე უპატრონოდ გავხდებით პირუტყვის ანლა სახლებში შემოგვივარდა. გვერწმუნეთ, არ ვაჭარბებთ, დღეა თუ ღამე, კარს ღია დატოვებ და გვითქვენ უზარმაზარი ღორები.

ახლა იმ ზომამდე მივედით, რომ თუ არ დაიჭერენ, არ დაჯარიმებენ პი-

ღვენივით. თუმცა ეს არაა გამოსავალი, რაკი კომუნალური მეურნეობა ისევ ერიდება ასეთ მეპატრონეებს, რომელთაც ჩირის ფასადაც არ უღირთ ქალაქის კულტურა და იერ-სახე, ჩვენ ჩავაბარებთ დამამზადებელ ორგანიზაციებს. ამას ხმამაღლა ვაცხადებთ და შევასრულებთ კიდევ ქალაქის ორმოცდინიანი (თამარის ქუჩა), 8-ბინიანი (ნოზაძის ქუჩა) სახლების მცხოვრებლები.

რედაქტორი

ნ. ნემსაძე.

მეუღლე იორა, შეიღები ამირანი, ომარი, ლელა, რძლები ფოთოლა კობალიანი, გოგუცა ჭაბუკიანი, ბაბუცა, მარო, სიძე ზურაბ თუთისანი, შვილშვილები ნინო, ივარი, დეი გოგუცა, საშა, მახლები ალექსანდრე, ბიჭიკო, მულები საშა, ბაბილო, მისიშვილები, დისშვილები, მაზლისშვილები, მულისშვილები იუწყებიან, რომ გარდაიცვალა ნელი დომენტის ასული ქომეფიანი-ფუტყარაძე, დაკრძალვა 4 აგვისტოს, შაბათს, სოფ. ბარდნალაში.

მეუღლე გელა, დედა შურა, მამა არქიზო, შვილები დათო ჭემალი, როზა, როსტომი, დეი მაყვალა, მერი, იაშვი, ძმა რომანი, რძლები ლოლა ბენდელიანი, ლედი ბურჯალიანი, მახლი გურამ მუშუდლიანი, სიძეები ბორის ლიპარტელიანი, გელა ჭანიშვილი, ვანგერ მამასახლისი ოჯახებით იუწყებიან, რომ გარდაიცვალა ნანული (ფაცო) არქიზოს ასული ხეცურიანი. მუშუდლიანი, დაკრძალვა 4 აგვისტოს, შაბათს, სოფ. ლასურიაში.

ცაგერის რაიონული საავადმყოფო-პოლიკლინიკის თანამშრომლები თანაუგრძნობენ ლეილა ხეცურიანს ბიძაშვილის ნანული ხეცურიანის გარდაცვალების გამო.

მოკლე ამბები

კაბა ფიროზბის დახმარებით

ოპერატორ-გამომკრელმა კომპიუტერში შეიყვანა მცირე ზომის, გრამფიფიტის მსგავსი დისკო, გამომკრელმა მანქანამ, რომელიც ელექტრონულ გამომთვლელი მანქანის ბრძანებებს ემორჩილება, სწრაფად, ზუსტად და ეკონომიურად გამოკრა ქსოვილისაგან პალტოს დეტალები, რომლის მოდელიც, როგორც მელოდია, დისკოზე იყო ჩაწერილი.

ეს ტექნიკა ტალინის ვ. კლემენტის სახელობის სამკერვალო გაერთიანების გამომკრელ სამაქროში დააყენეს შევცილისა და საფრანგეთის ფირმებმა, მათი დახმარებით საწარმოს პროგრამისტებმა, რომლებმაც ეს ხელშეწყობა შედო კოლეგებისაგან შეისწავლეს—დისკეტებზე ჩაწერეს მთელი მოდელის საბი მეოთხედით, რომელთა გამოშვებაც დაგეგმილი აქვთ წელს.

გამომკრელი ავტომატები ორი ცვლა ფუნქციონირებენ. მათ ერთი ოპერატორი ემსახურება. უფრო მეტად შემოქმედებითი გახდა კონსტრუქტორთა შრომა: მათ ამიერიდან აღარ სჭირდებათ უამრავი მრუდთარების დამზადება და გამრავლება გამოსაბრუნად—მთელი თარგები მანქანის მეხსიერებაშია, და უმთავრესი, მთელი წარმოება ერთხელად შეიძლება გადაკეთდეს ახალი მოდელების ტანსაცმლის გამოსაშვებად.

საოცრება ლერწმის წნელისაგან

შოხბლიური ქალაქის მინიატურული პანორამა შექმნეს ჩერ. ნოვიცკის ოქქის სოფელ ბოტინში ცოლ-ქმარმა ბროდოვისკებმა. მათი მუუდრო ბინის ერთ-ერთ ოთახში გაშენებულია მწვანე ბაღებში ჩაფლული თეთრი ქვით ნაშენი სახლები, ქარის

წისქვილები, რომელთაც თავზე დასცქერის ცნობილი უძველესი ციხე-სიმაგრე.

ყოველ შემოდგომაზე, პირველი ყინულის გამოჩენისას ოჯახის უფროსი ამ წნელს აშადებს მდინარე დნესტრის ნაპირების გასწვრივ, ახარისხებს, აცლის ქერქს, ორთქლში გამოჰყავს და აშრობს. და ამგვარად მიღებული ნაშადასაგან მისი მეუღლე ავლენს თავის ოსტატობას. დაწვინადაში სიყვარული რაისა გრიგორიენას მეშვიდრეობით გამოჰყავს მამისაგან. მისი ხელით გაკეთებული დეკორატიული ავეჯი, აუზურული საშაქრები, საპურე, კალათები ყვავილებისა და სხვა ნივთებისათვის, მოხდენილი და ღამაზია. ისინი ამშვენებენ როგორც პატრონის, ისე ნაცნობებისა და ნათესავების ბინებს. გახდა უკრაინის მხარეთმცოდნეობის მუზეუმის ექსპონატები, ქვეყნის ბევრ ქალაქში იყო დემონსტრირებული დათვალიერებებსა და გამოყენებზე.

ჩვენის მისამართი: 384100 ცაგერი, ლენინის ქ. №56. ტელეფონები: რედაქტორის—22-31, რედაქტორის მოადგილის — 22-35, პასუხისმგებელი მდივნის—22-34, განყოფილებების: სოფლის მეურნეობის—22-36, მშრომელთა წერილების—22-41, საკორექტოროს—22-42, სტამბის დირექტორის —22-17, სამაწეობრო სამაქროს—22-23, ზაქეთი გამოდის სამშაბათს, ხუთშაბათს, შაბათს, ინფორმაცია—66669, შეკვეთა 41 ტიპი 4000

საქართველოს სსრ ბეჭდვითი სატყვის სახელმწიფო კომიტეტის ქუთაისის პოლიგრაფიული გაერთიანების ცაგერის ბტაბა,